

Pelawaan permohonan tapak Bazar Ramadan dibatalkan – DBKL

PETALING JAYA – Pelawaan bagi permohonan tapak Bazar Ramadan melibatkan kawasan awam di seluruh kawasan Parlimen Kuala Lumpur melibatkan seliaan penganjur bermula 23 Oktober lalu dibatalkan.

Dewan Bandaraya Kuala Lumpur (DBKL) dalam satu kenyataan di Facebook berkata, turut dibatalkan iklan pelawaan bagi permohonan tapak Bazar Ramadan di bawah seliaan DBKL bagi tempoh sama.

“Tempat Letak Kereta Taman Tasik Permaisuri, Jalan 3/27A, Wangsa Maju Seksyen 1, UTC Sentul, Jalan Telawi 1 hingga Jalan Telawi 4, Bangsar.

“Satu pelawaan baharu akan disiarkan semula dengan melibatkan semua lokasi Bazar Ram-



GAMBAR fail peniaga beratur untuk pendaftaran nombor petak tapak bazar Ramadan tahun lalu.

adan,” kata DBKL dalam satu kenyataan di Facebook semalam.

Menurut DBKL, pelawaan bagi permohonan Tapak Bazar Aidil-

fitri di bawah kendalian DBKL di Lorong Tuanku Abdul Rahman adalah sah dan tarikh tutup permohonan kekal 6 November ini.